

(<https://news.usm.my>)

Berita Mutakhir

13 DEC

PELAJAR DAN STAF USM TERUJA PELANCARAN LALUAN 804



NIBONG TEBAL, 12 Disember 2017 – Pelajar dan kakitangan Kampus Kejuruteraan Universiti Sains Malaysia (USM) berkongsi keterujaan sempena dengan pelancaran Rapid Penang Laluan 804 di sini semalam.

Penolong Pendaftar Kanan, Bahagian Hal Ehwal Pembangunan Pelajar & Alumni, Kampus Kejuruteraan USM, Norzita Nanyan mengakui operasi Bas Rapid Penang Laluan 804 akan menjadi satu kemudahan yang bermanfaat kepada seluruh warga kampus.

“Galakan untuk menggunakan perkhidmatan bas dalam aktiviti seharian juga boleh dipertimbangkan memandangkan ianya adalah satu kemudahan yang selesa dan bayaran yang dikenakan juga adalah berpatutan,” tambah Norzita.

Selain beroperasi di dalam Kampus Kejuruteraan USM, antara kawasan-kawasan yang akan dilalui oleh Bas Rapid Penang Laluan 804 ini termasuklah Jalan Belatuk, Bukit Panchor, Ampang Jajar, Pekaka, Padang, Sekolah terus ke Terminal Bas Parit Buntar dan sebaliknya.

Naib Yang Dipertua Majlis Perwakilan Pelajar (MPP) USM, Samuel Edmund Theivendran dari Pusat Pengajian Kejuruteraan Bahan dan Sumber Mineral turut menyambut baik usaha Pengarah Kampus Kejuruteraan, Profesor Dr. Nor Azazi Zakaria ini.

“Perkhidmatan ini akan memberi lebih pilihan dari segi masa dan laluan perjalanan kepada pelajar selain daripada perkhidmatan bas USM yang memang telah disediakan oleh pihak universiti selama ini,” kata Samuel.

Bas Rapid Penang Laluan 804 ini telah memulakan beroperasi mulai 27 November 2017 lalu dan ini juga membuka peluang kepada orang ramai yang menggunakan perkhidmatan bas ini untuk menikmati keindahan Kampus Kejuruteraan USM sekaligus merasai suasana pengalaman belajar di sana.

Teks: Siti Faizah Abdul Halim



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015